



Broj: 021/11-9966/2020.  
Bihać, 14.08.2020.godine

- Gradovi /Općine Unsko-sanskog kantona
  - Općinsko vijeće Općine Velika Kladuša, n/r predsjedavajućeg
  - Kantonalna ministarstva
    - Javne ustanove koje se finansiraju iz Budžeta USK-a
    - Zdravstvene ustanove
  - Kantonalne uprave
  - Kantonalne upravne organizacije

PREDMET: Informacija / hitno postupanje; traži se,-

Zbog trenutno nezadovoljavajuće sigurnosne i zdravstveno – epidemiološke situacije na području Unsko-sanskog kantona i pojačanog priliva ilegalnih migranata na Unsko-sanski kanton, a kako bi Vlada Unsko-sanskog kantona u suradnji sa Ministarstvom sigurnosti Bosne i Hercegovine bila u mogućnosti poduzeti odgovarajuće aktivnosti po ovom pitanju, tražim da mi hitno dostavite informaciju koja će sadržavati podatke o prouzrokovanim štetama, te finansijskim i drugim posljedicama koje remete svakodnevni život građana i normalno funkcionisanje sistema vlasti.

Naprijed navedeno je neophodno da bi zahtijevali koordinaciju svih nivoa vlasti u cilju transparentnijeg i efikasnijeg upravljanja ovim krucijalnim problemom na području Unsko-sanskog kantona od strane svih relevantnih učesnika u narednom periodu, ali i kvalitetnijem organizovanju institucija svih nivoa vlasti u predstojećem periodu.

***U skladu sa gore navedenim, zahtijevam hitnost u postupanju i tražim da informaciju dostavite do 15,00 h (18.08.2020. godine), putem pisarnice Vlade Unsko-sanskog kantona ili putem faxa na broj 037/227-803.***

Dostavljeno:  
1. naslovu  
2. a/a





BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON

Broj:02-45-1623/20  
Dana:18.08.2020. godine

PRIMLJENO	18-08-2020		
Organizaciona jedinica	Klasifikacija	Broj predmeta	Broj priloga
	0202		

VLADA UNSKO-SANSKOG KANTONA  
BIHAĆ

n/r Premijera kantona, mr. sci Mustafa Ružnić

**PREEDMET:** Tražena Informacija sa priložima dostavlja se.-

**VEZA:** Vaš akt: broj:03/1-11-9966-1/20 od 14.08.2020. godine.

Migrantska kriza i migranti su bez sumnje najveća sigurnosna prijetnja stanovništva naše lokalne zajednice. Posljednja dešavanja tokom proteklog vikenda koja su najavila početak eskalacije krize, pokazuju da migrantska kriza počinje da izmiče kontroli na području općine Velike Kladuša, da je lokalno stanovništvo izgubilo strpljenje i povjerenje u institucije ove države i da zbog vlastite sigurnosti počinju preduzimati mjere samozaštite što će prema najavama putem društvenih mreža eskalirati i postati svakodnevna praksa lokalnog stanovništva sa nesagledivim posljedicama po opću sigurnost naše lokalne zajednice i njenih stanovnika.

Nažalost takvo stanje izravna je posljedica potpuno indolentnog i krajnje neodgovornog odnosa viših organa vlasti, a u prvom redu nadležnih državnih institucija čiji je to prvoshodan zadatak i obaveza i što nažalost traje od samog početka migrantske krize, koja je potpuno prepuštena lokalnim zajednicama odnosno lokalnom stanovništvu koje nosi najveći teret ove krize.

Potpuno nekontrolisani priliv migranata koji su preplavili teritoriju općine Velika Kladuša koji trenutno prema procjenama ima oko tri hiljade izvan ilegalnog migrantskog centra „Miral“ i koji i dalje svakodnevno pristižu rasuti po cijelom teritoriju općine Velika Kladuša u privremeno napuštenim kućama, natjeralo je lokalno stanovništvo da počinju organizirati noćne straže po našim selima, obzirom da migranti posebno u noćnim časovima postaju sve

agresivniji izazivajući brojne incidente sa fizičkim nasrtajima na lokalno stanovništvo.

Pored evidentne sigurnosne ugroženosti lokalno stanovništvo trpi velike materijalne štete zbog masovne pojave nasilnog provaljivanja u porodične kuće koji čine migranti u noćnim časovima. Štete se odnose na oštećenja prozora i vrata koja nastaju nasilnim obijanjem i lupanjem stakala, a u porodičnim kućama gdje se ne zateknu vlasnici migranti čine pravi vandalizam u unutarnjim prostorijama kuća, otuđujući i uništavajući vrijedne stvari vlasnika porodičnih kuća. Brojne su porodične kuće i pomoćni objekti koje su migranti zapalili i koji su u požaru znatno oštećeni ili su potpuno izgorjeli.

Većina građana je odustala od prijavljivanja nasilne provale u kuće policijskim organima, budući da su izgubili svaku nadu da će moći naplatiti pričinjenu materijalnu štetu na svojim porodičnim kućama kao i uništenim i otuđenim predmetima.

Predpostavljamo da policijski organi raspolažu podacima o pričinjenim štetama na porodičnim kućama lokalnog stanovništva koje su prijavljene policiji. Međutim, obzirom da stanovništvo u većini slučajeva ne prijavljuje ove štete teško je doći do relevantnih pokazatelja o razmjerama šteta koje trpi lokalno stanovništvo. Relevantne pokazatelje o razmjerama šteta koje trpi stanovništvo mogli bi se utvrditi putem organa Mjesnih zajednica ukoliko bi to nešto značilo.

Pored stanovništva koje trpi materijalne štete, izravne štete trpe i općinske institucije koje se brinu o sakupljanju i zbrinjavanju komunalnog otpada. Svakodnevno se broj migranata koji borave u improviziranim „šatorskim“ naseljima povećava i poslovi koji se odnose na redovno čišćenje lokacija i ulica povećava. Obzirom da se migranti kreću i borave na području cjelokupne teritorije općine Velika Kladuša i iza sebe ostavljaju velike količine smeća zahtjeva povećan angažman broja radnika komunalnog preduzeća koji su angažirani u službi održavanja kao i angažman dodatnih tehničkih resursa.

Poznato je svim relevantnim institucijama ove države kao i relevantnim međunarodnim institucijama koje brinu o migrantima da je komunalno preduzeće u periodu od 01.02.2018. do 31.12.2018.godine izgradilo potrebnu infrastrukturu za smještaj migranata u naselju Trnovi kako bi se

migranti izmjestili iz gradskog parka u Velikoj Kladuši, a do danas ni nakon niza intervencija troškovi koji su nastali za JKUP „Komunalije“ d.o.o. Vel.Kladuša nisu donaknađeni.

Nastali troškovi JKUP „Komunalije „ d.o.o Vel.Kladuša samo za period od 01.02.2018. do 31.12.2018.godine iznosi ukupno 721.850,00 KM.

U vezi sa troškovima koji su nastali komunalno preduzeće više puta obraćalo se Ministarstvu sigurnosti BiH, Vijeću Ministara BiH, Vladi Federacije BiH, delegaciji Evropske unije u BiH, Vladi USK-a, Premijeru Vlade USK-a, Instituciji Ombudsmena, te Međunarodnoj organizaciji za migracije- IOM, nažalost do danas nastali troškovi za JKUP „Komunalije „ d.o.o. Vel.Kladuša od strane kako međunarodni tako i domaćih institucija nisu plaćeni.

Komunalno preduzeće i dalje nosi teret zbrinjavanja komunalnog otpada koje uzrokuju migranti na prostoru cijele općine tokom 2019 i 2020. godine. Međutim nema pomoći niti od jedne institucije ove države kao ni od organizacija Međunarodne zajednice koje se brinu o migrantima.

U prilogu ove informacije dostavljaju se slijedeći dokumenti:

- Izvještaj JKUP „komunalije“ d.o.o. Vel.Kladuša o nastalim troškovima i aktivnostima u vezi sa migrantskom krizom na području općine Velika Kladuša.
- Izvještaj JKUP „Vodovod i kanalizacija „ Velika Kladuša o nanesenim štetama fizičkim i pravnim licima zbog nelegalne potrošnje vode od strane migranata.
- Zaključak općinskog načelnika broj: 02-14-1486/18 od 29.05.2018.godine o isplati sredstava iz budžeta u vezi sa migrantima.
- Zaključak općinskog načelnika broj:02-11/2-1192/20 od 05.06.2020. godine o isplati sredstava iz budžeta za otklanjanje posljedica elementarnih nepogoda.
- Zaključak općinskog načelnika broj:02-11/2-1193/20 od 02.06.2020. godine o izdvajanju sredstava za otklanjanje posljedice elementarnih nepogoda.
- Zaključak općinskog načelnika broj:02-11/2-1585/20 od 12.08.2020. godine o izdvajanju sredstava za otklanjanje posljedice elementarnih nepogoda
- Izvještaj Službe za Civilnu zaštitu sa pregledom podataka o štetama na području općine Velika Kladuša za koje se predstavlja da su uzrokovane neodgovornim postupcima migranata.

Dostavljajući ovu informaciju sa priložima kao i o štetama koje trpi lokalno stanovništvo a i općinske institucije općina Velika Kladuša očekuje povratnu informaciju i nadu da će nadležne institucije koje su prevashodno odgovorne za sve navedene štete dati podršku i pomoć općini Velika Kladuša.

Dostavljeno:

1. naslovu
2. kabinet
3. a/a



Općinski načelnik  
Fikret Abdić, dupl.ing.